

已編

壽社志







耆社志卷十二目

已編三

西樓文藻





西鄉文縣

卷五

香林志卷五



耆社志卷十二

豐山 洪敬謨 編

已編三

西樓文藻

唐宋  
西樓文藻

唐宋耆英會當時草野間事也其詩若文至  
今赫赫然照人耳目然我朝耆社之會上下  
同樂與國家大事相埒恩榮之輝映詩文之  
贊頌香山洛社之所無者而其詩若文揄揚  
邦休賁歸朝野之升平可能流傳於千古况  
又樵陽村尹月汀張谿谷之高文大筆皆所



以笙簧黼黻於耆社者乎於是裒集諸文字  
詩以先之文以次之以作西樓之文藻

御帖奉安于靈壽閣志喜

吾王五十九春秋入社遙承聖祖休南極明星  
垂北闕東宮寶墨煥西樓同時鮑背懽相忭翌日  
龍顏喜乃瘳從古榮光今代最洛陽誰道是風流  
小臣班忝忝廷僚敢效封人祝帝克好事肇稱前後  
聖盛儀應曠古今朝高年加禮恩之至大德延齡理  
孔昭更荷田間歸一物太平耕鑿但歌謠

卷十二  
領議政金昌集



克齡常祝八千秋耆社今逢億萬休題出銅闌延故  
事歲來寶帖起新樓彤庭已獻呼嵩賀玉體仍聞  
勿藥瘳何幸身親叨盛際需雲解澤與同流

領中樞府事李 濡

甲戌于今幾百秋遠近 皇祖事齊休 親書盛舉

憑前案御帖珍藏傲舊樓耆社榮光前後最吾 王

疾病庶幾瘳懽呼爭獻南山祝喜溢寰區澤遍流

彤庭瑞日會羣僚動地懽聲競祝克 聖祖題樓聞

故事 神孫入社見今朝 重宸寶曆千秋永 貳

極銀鉤百代昭何幸小臣逢盛際春臺壽域聽謳謠



行判中樞府事金字杭

老臣蒲質已望秋幸覩吾邦再有休爭喜  
靈籌添海屋旋擎寶帖下銅樓光增洛社耆年會慶卜周宮  
翌日瘳拊手羣工齊獻祝終南高峙漢長流

行知中樞府事黃欽

御題耆帖幾經秋 聖祖神孫政匹休况若威  
顏臨洛社煥然珍墨出銅樓添籌爭祝齊天永勿藥  
旋看翌日瘳仍想奎瀛諸老會不知曾有此風流  
千歲呼聲動百僚競將華祝頌神堯耆司寫帖追  
皇祖少海抽毫替 大朝重舉縟儀編簡煥竝聯尊



輝日星昭堪慚樗散猶霑澤漫咏蕪詞續里謠

行知中樞府事姜 覲

親臨耆社幾經秋

神聖遐齡即匹休

震邸銀鉤

留寶牒尚方鳩杖進龍樓羽旄擁蹕欣先覩簪珥盈

庭賀翌瘳曠世恩榮偏我輩四公中表摠名流

彤庭獻賀集羣僚爭道吾

王壽似克御帖初安耆

老社舊儀重睹

聖明朝

東宮喜氣方春暖南極

星光此夜昭簪履小臣何所補太平烟月採民謠

行龍驤衛司直洪萬朝

烈祖曾當六十秋耆英社裏撫鴻休 神孫趾美光



前牒 御手題名倣古樓已見壽星迎歲曜旋聞  
聖疾應期瘳老臣畫日摸天什思贊春臺化澤流  
五雲多處序千僚時屬重華攝帝堯盛事遠徵開初  
世縟儀今舉泰平朝懽雷動地天應協仁壽如山理  
孔昭爭道康衢傾老幼會看微服聽歌謠

行義興衛副司直李善溥

千歲為春千歲秋我 王申受上天休耆英好事先  
臨社 烈祖遺規驗記樓可但 君臣慶同樂更欣  
民國病仍瘳餘生延得須臾命扶杖均霑渥澤流

漢城府判尹鄭 浩



靈承 祖武幾春秋耆社微題更匹休御帖傳宣由  
鳳掖縹儀隨舉賀龍樓遐齡正協呼嵩祝 聖候爭  
欣勿藥瘳垂死老臣叨盛際願言同樂駐東流  
登筵耆老列仙僚爭效華封祝帝克壽耀呈祥多此  
夜 親臨賜宴繼 先朝林遑鳩杖瞻如畫酒後  
龍顏喜轉昭鳳吹竊歌鍾鼓饗上林黃鳥亦相謠

議政府右叅贊申 鉉

上八耆社陳賀班退恭紀

春開閭闔麗暉遲臣庶爭先覩盛儀仗出銅闥瞻  
鶴駕班聯玉佩向龍墀岡陵共獻遐齡祝雷雨仍看



大需隨更喜 重瞳康復慶 紫宸長奉萬年危

議政府領議政金昌集

浮生不用歎衰遲何幸躬瞻曠世儀御帖題封侔王  
檢賀班懼忤溢瑤琿獨憐痼疾纏身在孤負周行接  
武隨漢殿前頭開法酒會須同奉萬年危

漢城府判尹鄭 浩

聖祖 神孫壽考年降同耆會曠無前懽騰昔日猶  
今日運合先天與後天少海書明金牒上老人星照  
玉樓邊一時際遇光千古盛事登歌永世傳  
春殿晴開畫漏遲鴻臚傳唱引朝儀千官北極鳴環



珮萬壽南山拱玉墀翼日乃瘳天實佑洪恩一霈雨  
相隨共垂白髮稱耆老將護青宮獻賀卮

議政府右叅贊申鉉

景賢堂錫宴後會飲于本社

黼座高臨別殿開老人星帶十人來一堂同樂南薰  
奏萬壽爭稱北斗盃太祖盛儀歡再覩聖朝休  
運賀重回微臣竅沐如天渥猥擢三賓末席陪

同醉堯樽酒五行社筵歸說賜盃榮眼前仙樂從天  
降頭上恩花映日明文富未曾當此盛秋盧何獨擅  
其名滿城觀者紛如織爭頌東方壽域成



知中樞府事任 陸

眷顧耆臣御筵開 先朝盛事此重来  
恩光挿遍新裁夢 聖澤斟深別賜盃  
近覲天顏知有喜齊歌湛露欲無回  
更將不盡同歡意長祝千秋萬歲陪  
特許移筵帶樂行古今曾有此恩榮  
方知善養諸耆老何幸生逢我  
聖明一社風流斯已極 兩朝休  
德詎能名爭言盛美真堪繪  
却恐丹青寫不成

領中樞府事李 濡

翠幕排雲宿雨開  
鸞歌先報蹕聲來  
耆臣八座初傳饌  
聖主臨筵屢舉盃  
黃帕酒濃隨量飲  
烏紗花重



戴恩回昭融際會無斯盛更喜前星盡日陪  
十翁扶醉竝輿行擎出銀盃不世榮北闕登筵身悅  
惚西樓尋社路分明句天廣樂仍承寵平地神仙敢  
得名瞻仰萬年靈壽閣擬携諸老落新成

議政府領議政金昌集

親臨別殿盛筵開樂奏簫韶悅鳳來咫尺承顏瞻  
玉座四三行酒賜金盃句天法譜加恩錫斜日耆司  
倚醉回千古君臣無此樂須臾不死幸叨陪  
耆英勝集古人行御筵陪歡較孰榮醉後登筵尤快  
暢歸時會社不分明天威特許同堂樂聖教親承



善飲名擬待金滕仍大熟南山北斗獻秋成

行判中樞府事金字杭

袞袍端拱法筵開諸老皆從壽域來仙樂嘈嘈鳴玉  
管香烟細細繞金盃丹心共托風雲契白髮均霑雨  
露回何幸小臣建盛際猥將衰劣亦叨陪

醉裏人如畫裏行途傍指點詔恩榮梨園法譜隨身  
開壽閣新題入眼明勝事先朝今繼迹御盃他日  
永留名瞻宸欲獻岡陵祝筆退還慚句未成

行知中樞府事黃 欽

寶座天臨法宴開老臣聯武慶朋來霜毛掩映耆英



席金字輝煌御賜盃歸社鷺笙隨柳轉退朝烏帽戴  
花回此生雖死猶無憾咫尺威顏竟日陪

涵盡鍾鳴尚夜行暮年偏荷聖朝榮東宮獲近

前星彩南極欣瞻壽曜明皇矣高穹知有相巍然至  
德蕩無名諸公莫笑歸田請自是疎慵讓老成

行知中樞府事姜 覲

杖移便殿法樽開鮐背委蛇與宴來頭戴御香花映  
帽口含天澤字鐫盃需筵可但茲辰設寶筭將看

舊甲回喜極疑身是夢十年今始聖顏陪

盛舉曾聞太祖行豈知吾輩荷茲榮庭陳法樂



天顏穆座列耆英  
雪鬢明堂構更題  
靈壽額風流  
誰說酒仙名  
此身宛在春臺裡  
但把歌謠信口成

行龍驤衛司直洪萬朝

三百年周景運開廣庭仙樂九天來  
黼黻甫穆瞻雙座香醞薰濃釐五盃  
河海岡陵齊頌祝風雲日月競昭回  
試看唐宋耆英會能得龍顏密通陪

上雲之樂昇天行法譜新添十老榮  
壓帽頌花承露重當筵錫爵鏤心明  
休光共際熙熙運靈壽爭瞻蕩蕩名  
不醉無歸咏周雅萬年觴進鳳韶成

行義興衛副司直李善溥



今日青丘泰運開休徵  
彤螭自天來  
權瞻南曜明  
宸極穩挹東溟注  
壽盃禮罷初筵千載曠  
恩隨法樂  
一時回社中  
仍霈霈雲澤  
醉裏猶疑黼座陪  
五雲深處詠周行  
十老筵前共拜榮  
內賜金盃恩更  
侈中鵠寶字眼便明  
耆英曾有吾儕事  
壽德誰如我  
后名可但春臺躋  
一世從茲復覩至治成

漢城府判尹鄭 浩

親臨養老法筵開十輩  
耆臣戴白來便殿  
濫逢稀世  
典一堂同醉五行盃  
九重天上霈雲起  
三百年前泰  
運回且待春宮騰賀日  
壽樽仙樂更延陪



宴罷軒輿簇蹕行轉尋耆社詔恩榮醉歌紗帽簪花  
亞拜領銀盃鏤字明分外更霑天樂賜老來贏得地  
仙名儀容恣入丹青裡歌詠相酬八韻成

伊日儀章  
十老真象

並畫  
帖中

議政府右叅贊申 鉉

耆英閣

御製詩賡進後謹步臣字韻別成一

律

翠華燦壽閣黃髮引耆臣再值昭陽歲重回景福春  
邦休前後契固祝通遐均大德瞻彌邵先徵仰式  
遵璇函宸藻煥鳩杖御銘新晉秩先優老覃恩更



遍人揄揚傳太史蹈舞屬昌辰道叶三陽泰化將一  
氣神箕籌歛時福周命迓天申遭際斯為盛光榮復  
孰隣

領中樞府事致仕奉朝賀俞拓基

玉輦臨靈閣

雲章下老臣海籌方大耄天運是元

春

二聖垂庥永羣情歸喜均箴銘鳩杖寓譙抑燕

謨導南極祥星爛西樓化日新固知克德壽章作舜  
廷人延感叅耆歲爭瞻寫帖辰覃恩推及物至治仰  
存神皇錫鴻休啓光膺駿命申賡歌千一會榮耀動  
臣隣



行判中樞府事李昂輔

靈閣

仙仗皤皤十一臣躬丁五百運慶值八千

春和氣

三官遍懽情萬姓均先微欽克趾祖

烈仰丕遵南極祥光倍西樓盛事新含生皆壽域荷  
寵獨吾人昵侍親題處賡歌祇拜辰瞻天欣飽德  
愛日祝頤神頌已詞人撰休仍上帝申請看金積史  
今慶昔無隣

行知中樞府事致仕奉朝賀李喆輔

元日耆英館

聖君臨老臣稀齡拚瑞旭大曆屬陽

春志喜雲章侈推恩霈渥均誠伸

靈閣拜賀受



舊宮遵

列祖洪基遠

寧王盛德新呼嵩祈華老

瞻羽蒲城人顧以

三朝物幸逢千載辰久蒙恩若

海長仰化如神南極星辰耀西樞雨露申欣欣歌詠  
地壽域與為隣

行知中樞府事魚有龍

寶齡躋大耄耆閣引諸臣丕啓千年錄光臨四紀春  
宸章和氣霽壽域頌聲均盛德高穹格宏休 兩聖  
遵寓銘靈杖煥寫帖 睿懷新衛抑恒存警文謨在  
作人仙盤桃薦日海屋籌添辰實仰稀編簡爭欽繼  
聖神仁恩環海遍景貺自天申幸泰賡歌列深欣日



月隣

判敦寧府事徐命彬

玉趾臨 靈閣皤皤在列臣欣逢癸未歲宛若甲申  
春 兩聖巍休匹一時揚厲均猗歟徽武繼辰也顯  
謨遵即地 奎章下自天 寶墨新聯篇雖有命賡  
載愧無人曠百享嘉日登三至治辰南薰方解愠北  
極仰頤神壽域羣生固皇穹景命申白頭紆曠典聊  
以詫鄉隣

判敦寧府事鄭亨復

鳩筇薄言駐曰汝來耆臣

寶墨香生紙

微音暖



若春衮衣曾未補恩級又添均綿曆千年永縟儀  
二考遵三陽邦運泰七耄孝思新勉勉大君子  
皇皇真聖人重華格廟日文命率僚辰齊忭呼三  
壽幽懽得百神洪休環海洽景福自天申靈閣煌  
煌帖倚歟孰可隣

行知中樞府事朴致和

聖臨靈壽閣雲漢照耆臣朝滿嵩呼夕天回斗柄春  
南星玄化耀左海樂聲均仁圓春臺廻福臻王道遵  
龍旂勤政鷺鳩杖鐫銘新熙皞三千界耆英十一人  
拜恩依化日賡韻及良辰厖澤方黎庶鴻休自聖



神 寧王靈籙已 皇祖寶箒申並受知無外勛華  
可作隣

判敦寧府事韓師得

鳩杖龍袍

聖鵷班鶴髮臣

靈箒濟七莖景福祝

千春英閣風雲會仁天雨露均

兩朝遺烈襲元日

舊儀遵

聖孝丁年感邦休癸歲新宸歲同抑戎頌

什效封人慶溢綿千甲工熙撫五辰敢辭歌且詠惟

喜 聖承神化日中天午祥庥上帝申西樓第蹈舞

盛事耀臣隣

行龍驤衛副司直宋昌明



七旬親寶曆壽閣引耆臣日照鳩筇影雲晴鳳輦春  
璇題 三聖共岡祝萬民均南極祥輝動西樓故事  
遵縑巾金櫃秘葭律玉琯新薰殿和歌曲麥丘效老  
人喜延賡載咏幸覩泰平辰舊闕呼千歲清塗擁百  
神權雷匝地出第祿自天申盛禮稀前牒唐虞德與  
隣

知中樞府事俞寂基

西樓回警蹕北斗集耆臣丹莢初開葉蟠桃不老春  
元陵眉壽繼 寧考曆年均盛德真承述休儀故勉  
遵祥雲三帖煥青史大書新 宸翰延遺雅賡章愧



古人山河開壽域元會際昌辰 聖孝今揚烈馨治  
已格神恩波流滾滾寵綽布申申三代賢君遠鴻猷  
孰與隣

知中樞府事金相奭

癸巳閏三月初三日 上行養老宴又遣承旨  
宣醞賜樂于耆社使之同歡翌日諸耆臣奉箋  
謝 上召見便殿接以家人禮 命諸耆臣各  
述其年齒踐歷如古人自叙之例 上親製序  
文 命名耆社帖刊行于世

臣翼謏生於 先朝癸未釋褐於 當寧癸丑甲子



陞通政壬申陞嘉善丙子陞資憲辛巳陞崇政丙戌  
拜相壬辰八耆社三司春坊堂下所歷也承旨大司  
諫吏禮兵刑曹參議判決事湖西審理使湖南觀察  
使廣州府尹通政時所歷也禮兵曹參判漢城府左  
尹大司成同義禁副揔管江華府留守嘉善時所歷  
也漢城府判尹吏禮刑三曹判書大司憲左右參贊  
判敦寧判義禁經筵成均賓客資憲時所歷也而提  
學則無文不敢當也領左右相判中樞拜相後所歷  
也臣素無才德少多疾病年位二字夢寐不到而幸  
值仁壽之聖化偏蒙生成之洪造致身至此位已



極矣年已至矣早夜祈祝惟在謝事今承下教自  
叙如右臣不勝惶悚愧慙之至

性何愚也質何魯也合置之農圃胡僭于卿胡僭于  
公蓋莫非聖造位已極矣年已滿矣寧有他念之  
絲髮此生餘日長祝聖壽與天無極

議政府領議政臣韓翼謦七十一歲製進

臣益烜年七十五系出瘡派穆陵裔歲在癸卯登  
上庠粵明年秋初仕筮未踰三十宰交河便殿賜對  
頒珍劑旋移通判豐沛鄉地部秋曹郎次第將父燕  
行作遠遊嘉陵郡紱蒙恩遞陰途棲棲凡幾年丙辰



之歲始攀桂法醞親宣景賢堂

宸心嘉悅賜

御

製聖戒親訓在謹飭諫職未嘗談當世夜直春坊荷  
寵擢于時釋褐纔周歲銀臺騎省乍周旋海藩旌節  
崇陰憇己未腰金寔盛渥天官特授尤隆契周流六  
曹佐貳班屢叨難以一二計薇垣栢府長國子京尹  
金吾摠五衛畿輔觀風又韶州親老在堂榮祿逮庚  
午八座非素期癸酉一品何勞勩四宰宗伯大司馬  
賓客經筵兼如例間帶提舉廿二署藥院籌司隨勉  
勵秩視公孤階輔國敷樞閑局身猶係頂踵一任歸  
造化行止何曾視潦霽自詫平生遭遇盛歌詠洪私



感極涕識短才踈顧何能每念先臣是不替戊子年  
至恭耆司庖廩筐篚養以惠君臣同社際盛會榮極  
西樓圖像揭盈架宸翰子孫傳不時恩名筋力誼  
癸巳春行養老宴一代耆英登濟濟日月華封聖人  
祝謠俗康衢太平際前席從容賜珍饌禮若家人談  
笑繼諸臣承命各自述踐歷官啣記細細恩造如天  
說不盡小臣何敢一言贅無階報答身已老隕結他  
生寸心誓

行判敦寧府事臣李益烜七十五歲製進  
臣恭齋生于己卯癸卯司馬丁未文科庚戌以寶



鑑纂修勞陞六品癸亥特擢通政壬申嘉善庚辰資  
憲辛巳乙酉以藥院勞連陞正憲崇政丁亥特陞崇  
祿戊子以子玄老忝侍從陞輔國踐歷則憲府自持  
平至都憲諫院自正言至大諫王署自修撰至應教  
提學吏曹自叅議至判書戶曹叅判禮曹叅判判書  
兵曹叅議判書刑曹自叅議至判書工曹判書京兆  
左右尹判尹國子大司成喉院自同副至知申政府  
左右叅贊禁府敦府樞府自同知至判事兼帶知製  
教學教授經筵春秋賓客揔管籌堂提舉十六署外  
任襄陽載寧原州谷山松留畿伯臣通籍四十八年



過蒙恩造歷遍華顯躬逢壽域跡忝耆社歲癸巳春  
上親行養老宴越三日賜對諸耆臣命自述其年  
齒踐歷以進之臣之叨濫極矣謹次前後官啣而猥  
不敢曼辭自列竊附古人圖像自替之義系以數句  
韻語曰

爾躬何眇爾官何榮寵久彌渥爵辭愈嬰在衢堯樽  
躋堂豳觥蒼顏皓髮樂此泰平

行知中樞府事臣南泰齊七十五歲製進  
臣有容系出宜寧之南以寧考二十四年戊寅生  
景廟元年辛丑選進士當寧十六年庚申親享



文廟試士而臣以縣監忝丙科戊辰 先王影幘成  
而以都監都廳陞通政壬申寫進 懿昭世孫哀冊  
進嘉善乙酉以文衡久次擢資憲丙戌以 世孫德  
器成就歸功於輔養之臣特加正憲丁亥以年七十  
叅耆社仍乞致事蒙恩許休是年冬 上幸耆社推  
恩八侍耆臣而加崇政癸巳以 聖筭八旬 臨御  
五十年獻觴補慶覃恩國老而臣加崇祿竊自惟立  
朝三十餘年秩躋崇華報蔑絲毫猥沾善養之化獲  
遂投閑之願恩造優渥補述難罄茲敢承命略叙遭  
遇始終系以壽域詩一章竊附風人之義詩曰



古聖營壽域版築非土木積仁為基址集義為城堞  
其民尚清靜其俗恥浮薄風雨不能毀災沴不能襲  
臣亦化國中一民叨陪聖主登慈域日月光華四  
門闢北斗齊擎萬壽爵宸心遇泰戒太康其何思  
乎色惕若飢者思飽寒者思煖病者思醫勞者思樽有  
仙漿盤有桃盃歸來兮同予樂乃知是心格皇穹導  
揚和氣錫民福臣雖告老舊太史歌詠聖德乃其  
職但願世世修此域萬年不騫如一日

奉朝賀臣南有容七十六歲製進

臣允行生于崇禎紀元後六十五年壬申寧考丁



酉登小科 當寧己未魁三製庚申增廣應榜辛酉  
分隸槐院乙丑出六至癸酉九年之間歷春曹騎曹  
佐郎正郎正言持平獻納掌令弼善司諫修撰校理  
副校理癸酉冬追上 徽號時以 仁顯王后室讀  
寶官陞通政歷戶議兵議叅知承旨大諫出為江陵  
甲山蔚山三都護癸未推恩陞嘉善歷京兆左右尹  
刑曹叅判大司憲同敦寧同義禁副揔管戊子以特  
旨超拜知中樞入耆社歷判尹刑判三判庚寅以  
貞陵碑閣敦匠勞陞正憲辛卯以年滿八十陞崇政  
兼判義禁府事癸巳正月推恩陞崇祿立朝三十四



年踐歷大略如右仍念臣晚通朝籍孤立無與最荷  
特達之知遇節次推陞致位至此只自歌詠 聖澤  
隕結是期迺於耆社宣醞之日伏奉畫帖自識之命  
事曠今古普叨榮感臣謹拜手稽首系之以辭曰  
爾無象德之儀爾無供世之才壽胡為乎踰八耄秩  
胡為乎亞三台外雖澹而內則確昭垂 宸筆狀靈  
臺

行知中樞府事臣安允行八十二歲製進  
沈系青松八我鮮故家玄曹十二葉三代聯台七代  
科累襲卿班荐瀛錄奕世簪組荷國恩一心精白傳



家業貌茲末裔生乙亥字以君玉名以穀韋趾先蔭  
竊科名癸卯乙卯小大捷四典州郡一為丞十年撫  
字無寸績內職樂正暨太常兩司持憲與獻納銀臺  
緋玉驚寵擢地部騎省重遷職慶支侍郎兼宿衛陞  
資之後恩除即京兆散秩歸松楸擬將沒齒歌耕鑿  
昨秋靴帕入揔府欣瞻王色侍丹城命以特進叅  
畫講濫恩是日知樞擢五內顛倒蒼黃肅惟有感淚  
雙袖濕臣祖冢宰八耆司百年重感名題帖嘗藥重  
任叨內提掌禮華銜超宗伯幸值兩朔邦慶稠遂階  
一品陞崇祿金吾又授都御史自天寵光何輝赫一



時榮贈及三世泉壤有知應感泣人臣際遇誰如此  
曠古思數朝紳愕自下大夫至崇秩特除一一明  
主渥一生恩波淪肌骨闔門圖報惟攢祝盛禮昕庭  
集黃耆別思英館頒仙樂十耆陪箋趨爐香半日從  
容侍前席特命圖像又著述優老職事稀遑牒但願  
聖筭添萬億年年耆社樂無極

行副司直臣沈穀七十九歲製進

臣光溥生於甲戌二十二而登第七十九而致政內  
而槐院春坊薇垣栢府以至諸寺之正外而閱駒涓  
郵佐幕圻甸佩綬十一邑北至于鍾城西至于江界



南至于晉蔚以極海東之壯觀自喉院而佐貳戶兵  
二曹亞京尹而陞知樞兼知金吾摠府資秩之以年  
進者再以先朝科進者三以從臣父進者一而遂  
堦崇祿此臣之前後踐歷也乙未通籍之初攝直堂  
后時值八月千秋節賜對宣饌寵踰華袞至今感結  
有淚如泉惟我殿下不遺簪履之舊厚加陶甄之  
澤遂使廁迹耆英留像丹青屢頒寶墨雲漢昭回  
前席乞骸特蒙允許辭教鄭重榮寵曠絕此生此世  
圖報無堦此臣之終始遭逢也臣家本寒素而祿逮  
老父養以專城生而帶緋項王終又累贈崇職以至



若子若孫偉叨科第並列朝著此臣之平生恩榮也  
臣少不如人年又及老而濫被殊渥位至崇品精神  
已銷筋力已耗無以自強於朝賀之班而唯有愛  
君一念炳然如丹中夜起坐瞻望雲天每誦易之重  
天書之箕範詩之天保以寓頌德祝嘏之忱云爾系  
曰  
位不期崇而崇壽不期耄而耄蓋太陽昇於東隅則  
雲霞俱生光色大藥灑於靈山則草木皆得長活者  
耶

奉朝賀臣李光溥八十歲製進



姓沈肇籍青松府名曰星鎮字時瑞遠祖德符青城  
伯奕世勲業照汗史先父臣竣諫大夫今春追榮贈  
二相坡平尹搢即外祖恬退官纔玉署長乙亥九月  
吾以降自幼多病常凜然升五幸忝司馬榜正值

寧考八社年歲舍朱羊又登龍久八雷肆作宮僚三  
司鵷列帶冰啣萬里燕行駕星輶銓卽東壁揔清華  
銀臺陞擢亦恩私周流六曹佐貳官國子之長愧臯  
比西南字牧四專城前後旬宣三按節經筵春秋同  
成均宗伯叅贊復忝竊君臣同老太平世十載耆  
司多異數康衢烟月壽域春寵錫便蕃均雨露廉澹



二字受

御賜十襲珍藏感

聖渥今年欣仰

寶

筭添優老新榮又崇秩龍樓纔舉萬年觴英館仍許  
耆臣宴既令梨園頒仙藥更遣承宣分御饌魯姿

偏荷

君恩重此生何由報

聖主承命自叙上丹

墀再拜呼嵩祝萬壽

行知中樞府事臣沈星鎮七十九歲製進

臣本溟州金姓氏始煥其名而晦字闕逢闡茂重陽  
月我生之初日十二風雲晚契丙子秋鬢玉頭花羞  
老翁緋袍催上六仙樓曉漏西清如夢中始知秋毫  
皆造化一品耆社車仍懸時維癸巳暮春初聖上



御極五十年熙熙化煦壽域中百工相和歌天保朔  
日庚申彌兕觥三日宮庭享耆老自是君王優耆  
臣殊恩別賜西樓宴靈壽寶閣高入雲是日天清  
老人見慈龍瑞靄護帝居皓髮蒼顏疑列仙却恐明  
朝太史奏誤道星文近御筵歸來讀罷遂初賦庭  
有藥草床有琴琴中彈出感君恩漢水洋洋深復  
深只恨門外雀羅張玉宸消息誰來傳康衢倘遇  
微服遊我自擊壤歌堯天

奉朝賀臣金始煥八十歲製進  
我邊自是隴西人宋末東浮作麗臣及高宗世泰川



伯其名曰呂忠節純是我鼻祖黃城系八我朝來簪  
組繼傳至五代有以中勲勞茂著龍蛇歲火車遺制  
至今傳天兵調餉克有賴越我高祖是慶胤昏朝抗  
疏扶倫紀棄官逃世入窮山未見明時身先死兩世  
樹立享俎豆 聖祖褒贈感幽明曾祖命益錦山守  
王考光載都尉兄先父名侑水部郎因子推恩左贊  
榮嗟我先妣全州柳全昌尉孫全平女癸酉未月日  
廿五生我不肖劬勞且錫名致明字誠甫十男姝中  
第居八我生之初最愚魯父母提誨勤且切成丁始  
遊翰墨場辛丑上庠登蓮籍齒尚未立心轉大早晏



妄擬雲鵬擊一年二年漸廓落志欲益壯三猶篤從  
古窮通蓋有時庚午別製哀然魁翌年辛未殆直赴  
白鬚先達街路哈聖后引對臚唱日德音諄諄  
憫其老謂臣亦是儲慶裔仍教享祀叅拜廟  
累入堂后昵耿光陞六差遲每憐惜槐院新進分隸  
日春曹貲外初拜職曾未六日移騎省時着戎衣備  
扈行數月之後忝侍臣持憲得玷邇列清年紀已迫  
外除限下經湖邑如斗大松都少尹三十朔居官最  
久曾何惠再經掌令通納言間佐銓部叅政席兩司  
亞長地稍別自愧無似猥反跡官以諫名少風稜前



後未效一日責 高選輔德責任重久叨春坊何補  
塞兒廁從臣父七旬又依國典占緋玉旋除騎堂豹  
直頻 寶座臨處恒侍衛癸未寵擢京兆貳禁堂摠  
府隨次第己丑菊月誕彌辰自天有隕陞知樞即日  
趨 詣耆英社 靈閣恭審肅命餘水部首堂荷 心  
簡 嵬然八座同朝驚西樓五載侈惠養同我國老飽  
醑漿昨年又以八耄齒崇政加秩采兢惶清朝踐歷  
逾 涯分 聖澤渙渥無餘望杜門息交終南下入室  
惟 對糟糠婦婦曰李氏讓寧裔降同年甲月日後婚  
甲 重回七耄後先親餘慶我趾美私家私喜達 天



聽賜米賜樂皆特旨為是偕老世稀有頻裏御饌

遺細君恩及婦女瘦面光每攀榮賜感涕捫養老宴  
時老病篇未承 恩命多悚感格外宴需更便蕃闔  
門榮感何報答只願千千萬萬歲 聖壽無強是所  
祝係以小詩曰

此生頂踵皆天造  
兮寵秩躋隆無埃報  
兮壽域霑化  
善養澤兮同我婦子  
華封祝兮

行副司直臣邊致明八十一歲製進

趙氏貫維楊榮進字汝揖文剛為顯祖都尉寔中葉  
昭敏暨忠靖奕世濟名德驪興吾自出忠文儘柱石



內外蟬嬭閼國與共休戚

肅考癸未歲四月二十

六是日也以降維時則己丑甲子登上庠翌夏金吾

職濟用司宰監或換或序陟宗簿仍陞六東部閱數

朔周流刑戶部兩載郎潛跡黃龍繪

天日猥董模

寫

後浹旬昵耿光屢被天褒渥一麾出永清三載轉

海郭帶方了荒政丙子通桂籍臺省及春坊梨園與

太僕嶺左掄田政翊善勸

睿學三字啣長帶代撰

愧才識

文孫冊己卯都廳躋緋王仍叅兵戶議特

旨司喉舌三巡長薇垣副輶踏燕雲金蛇甲又回扈

駕驪陽宅

宸衷感舊事京兆荷寵擢歷亞春夏曹



屢拜知申七揭板餘慶坊舉比恩數溢海臬五十日  
人言忽地發槐院三提舉揔府四禁直北門掌鎖鑰  
衆怒又含射君猶不遐棄栢府侈長席前後凡千  
二何曾一日責王府兼帶頻秋官佐貳數畿藩金虎  
歲敦府玉兔日上軫年方至一歲超二秩知樞諸  
兼啣便蕃聖簡出壽閣拜寶牒內局嘗御  
藥司寇掌邦刑復知歲史閣中批十有九濫躋八座  
級今春正憲階推恩之所及養老修舊典王曰汝  
進爵南山與北斗中心華封祝耆司宣優禮法醞又  
仙樂前席降恩命繪形述所歷兼辭綴平生異渥



曠千億

行副司直臣趙榮進七十一歲製進

若有一介臣空踈生於世家京國舜日堯天逢

聖代雕蟲薄技攻文墨黃雞秋暮赤龍冬後先蓮桂

芳名圻春風

蒲座洗馬臺又策文試仍陞六臺垣

講肆已是選况於進此登瀛錄人家舊事人不知尺

疏籲天情未暴隨吾本分養吾拙杜門窮居仍屏跡

燕槎嶺缺亦

天恩峽紱湖符俱

聖渥蟾宮一枝

再送香恩許清朝綰緋玉由是周流內外班未效人

臣一日責南民告飢歲在壬王曰徃欽羅州牧徵



才敢言浙東勞

聖恩方移河內粟煌煌丹誥下九

天二品居然官命德歸來復命諫大夫騎京禁揔皆

要職出納仍兼保護任地分清切銀臺直我我身冠

長栢府兩年七八思多特風裁言議更何論逐隊奔

走惟筋力遺簪墜履聖不棄一朝思言卿月擢

西樓玉牒拜稽首時際壽星明南極羣仙鶴髮列

如麻羽化何啻登瑤籍奎章屢降色璀璨御饌均

頒恩絡繹風流盛事耆英會古來唐宋稱香洛爭如

壽考周王世一堂言笑君臣樂熙熙皞皞康衢月

太平萬歲歌耕鑿天顏咫尺承命退略叙平生述



不作

行副司直臣俞彥述七十一歲製進

南極星光耀

北宸陶甄神化及微臣崇資屢忝推

恩歲晚第初登養老辰

靈壽閣開三日宴禁林花

帶萬年春從知毛髮皆一

君賜故自奔趨不有身

臣本布衣士恩榮隕自天折蓮三紀後攀桂七旬前

立殿羞羣彥升堂與六仙耆英優

聖渥圖報蔑埃

涓

行副司直臣高夢聖八十一歲製進

順興人安僊平生無可稱幸際太平世華髮覆其頂



緬思懸弧日已過七十齡乙卯偉科名上庠仍擢第  
華班幾猥忝郡紱亦屢佩己巳與戊子寵擢皆踰分  
衣緋豈人望腰金更自天元朝曠世澤亦及愚曾臣  
崇秩視八座洪渥拜靈閣彤庭趨禮饗西樓荷燕  
樂拜箋誚闕下賜顏授珍餐豈有涓埃報偏被雨露  
恩若問立朝年三十又有六其間何所有但自竊厚  
祿猶存秉彝性只切愛戴忱藉手心如一 天鑑庶  
照臨頂踵皆造化肺腑銘隕結區區一寸丹百祿俾  
多益春臺永化日南極耀老星年年復歲歲優遊壽  
域中



知中樞府事臣安傑七十一歲製進

臣洪晟字光國系出南陽生于壬午二十二中癸卯  
增廣小大科授承文院正字除栗峯察訪以司果陞  
六為典籍監察戊午為貞陵令戊寅復為典籍己  
卯為忠清都事連八臺垣為正言持平移司成甲申  
以宗簿正除彥陽縣監乙酉以掌令被召又荷聖  
簡除同副承旨移兵曹叅知丙戌除豐川府使歲餘  
遷為右副承旨移工曹叅議戊子除仁川府使壬辰  
以臣科名之在先朝特授嘉善為同義禁癸巳正  
月以年七十二復授嘉義旋以臣子宗蓋忝臺職推



恩陞資憲以特旨付知中樞八耆社噫蟻虱賤臣何以得此於君父哉況且臣父再登文陞至蒙米帛之頒臣子宗益以諸生八侍書下宸翰宗蓋以春塘壯元直命兵郎顧臣三代四人荐被洪造與天無極恩山德海糜粉難酬幸際寶筭彌高禮宴載設文孫陪座百僚就列臣亦昵侍耿光粗伸呼嵩之忱日前耆社諸臣獲蒙錫宴之殊禮法醞歛灑仙樂冲融蒼顏白髮抃懽蹈舞歌誦太平之盛如臣之頂踵毛髮皆歸造化者尤不勝感淚之被面茲以慶賀之惓敬進小詩詩曰



茅宮德盛康衢有謠薰殿琴和百工相譌繫我后  
為國軼如邁姚治成化洽草偃風過彤庭設席匪以  
讌邀憂民念切太康戒加仁以善養效古燕毛羣臣  
飽德醉舞簪花祝南山壽太平今朝

行副司直臣洪晟七十二歲製進

臣受采世居平安道定州地生于崇禎紀元後六十  
年丁卯歲庚寅年八十四幸忝東堂初試上念其  
年老特除貞陵叅奉仍命名試講製韻又賜肉  
帛越明年春年八十五應會講登丙科上即命入  
侍特賜玉圈一金帶一黑團領一紅團領一幘頭一



黑靴一殿試日特除僉中樞翌日又除五衛將唱名  
日又除同中樞謝恩日又賜紅團領一部白紬二端  
繼以賜饌又下御製詩曰今日便殿予懷萬倍宣  
可從三特授同樞後五日特除左承旨給馬還鄉壬  
辰正月下諭道臣特賜肉帛繼令本府月給廩米五  
月特除戶曹叅判承召謝恩又賜白紬二端人蔘一  
兩書下御製詩曰今見鄉馬予懷坊八旬有六豈  
徒然癸巳春推恩陞嘉義三月上行養老宴又蒙  
恩召之命晉叅盛禮越五日特除知中樞府事謝恩  
後又賜金帶虎皮許八耆社即令爾拜靈壽閣賜



樂宣醞又下

御製詩曰丁甲兩年同耆社今辰此

日予懷萬前後思寵今古曠絕此豈遐士賤臣夢寐之所敢到者哉隆恩厚澤與天無極此生此世將何以酬答其萬一謹綴長律一篇以寓攢祝之微忱云爾詩曰

八旬臨

御渥籌遐歡慶惟多我國家衰嬖偏何叨

聖眷光陰又是趨芳華瞻堂揭畫難專美洛社分遊孰最嘉白兔登科榮已濫黑龍忝秩澤無涯金盤絳帕頻傳饌皓首烏紗亂插花爛漫瑤桃含雨露參差玉樹照蒹葭仙筵聽似虞庭樂宮醞嘗如膠并砂天



上真人猶健羨路傍觀者揔咨嗟乾坤寵渥衰無報  
袍帶榮光老覺奢容接莫非優養也賤庸其敢恃年  
耶蕪辭仰替賡歌跋盛事歸堪野老誇但祝年年山  
斗宴 君臣同樂樂無加

知中樞府事臣辛受采八十七歲製進

臣廷詰系出

璿派以讓寧大君為十代祖生於

先朝乙亥癸巳叅進士試

當寧丙辰八仕為金吾

郎陞軍資監主簿出宰振威縣辛未又除典設司別

提長興庫主簿仍監昌寧縣此則蔭官時履歷也歲

丙子

上為

東朝初設耆老庭試臣忝丙科第一



名歷兩司春坊銓郎太僕宗簿寺正陞資為同副承  
旨至右兵工曹叅議大司諫驪州牧使此則通政時  
所經也又陞資為漢城左右尹行大司諫副揔管兵  
曹叅判此則嘉善嘉義時所忝也癸巳以先朝進  
士命入耆社蓋特恩也又命地部賜昔年生進  
服色臣以青衫儒巾謝恩復命賜樂臣入侍而退  
及出禁門天樂前導路傍觀者莫不咨嗟嘆息以為  
上無窮之孝思追念先朝而恩及於當時之老儒  
生相與稱頌盛德極口不置臣俯仰撫念以榮以感  
莫知所以為懷也臣本迂疎陋拙百無一能中廢蔭



塗晚竊科第前後踐歷已過涯分而今此特恩又是  
今古之所絕無而僅有者惟是生於仁壽之世而備  
在從臣之列深恩異數若偏在於臣身者敢於拜稽  
之餘附以頌禱之詞其詞曰

維南有一星其名爲老人昔在勛華世出極高半天  
明明燭寰區與日爭光鮮先照茅宮上復照康衢間  
茅宮聖人百餘年皐夔白髮相輝妍邇來四千歲此  
星重來明大東大東君臣靈壽閣一年一酌戒

太康吾王盛德冠隆古諸老何以贊昇平先朝  
進士今皓首惟知蹈舞詠寵光更祝此星萬萬年長



在中天照吾王

前漢城府左尹臣李廷詰七十九歲製進



耆社志卷十三目

已編四

西樓文藻





己卯文淵

卷之十三



耆社志卷十三

豐山 洪敬謨 編

己編四

西樓文藻

靈壽閣上標文

肅宗四十  
年己亥

九五福一壽祝 睿籌於無疆三百年再行安寶牒  
之有所承天之慶不日而成惟 聖朝撫運而御邦  
暨耆臣屈威而叅社鄉班及稀年乃許蓋循前朝之  
舊章至尊以周甲與同俯就羣下之美事真氣逼於  
戶牖祥連南極之輝寶墨映於門楣影動西樓之色



猗歟曠典之邁古展也景貺之裕昆神孫丕承寶  
曆錦四紀之日月上天陰隲遐齡越六旬之春秋遵  
先王已行之規考其時則可矣稽宣廟未遂之教  
想前軌之信然老臣之一二記言史失微野儲君  
之再三陳籲誠格回天命下而羣情胥歡辰良而  
禔儀端舉鸞翔鳳翥神毫潤少海之波瀾珉檢銀繩  
秘帖倣明堂之圖錄由至德克配前聖幸盛禮復  
覩今時煥乎文章所以至治之賁飾赫然耳目詎無  
新構之經營拓耆所之舊基載畚載輦彈工倬之巧  
思有臭有輪徽號聯翩風雲通黼座之氣嘉稱標揭



神靈護金榜之題祥光瑞色之鬱葱白叟黃童之鼓  
舞伊大德得壽得祿信斯理之孔昭茲我 后肯構  
肯堂致純嘏之彌熾恭伸善禱助舉脩禋

兒郎偉拋樑東璇窓先得瑞暎紅一般青帝生生意  
萬品熙熙壽域中

兒郎偉拋樑西華岳金精望不迷報道瑤池仙實熟  
侍臣拜賀壽天齊

兒郎偉拋樑南節彼高山翠靄含遲日薰風來殿角  
冲融惠化四方覃

兒郎偉拋樑北雲近蓬萊接五色會待周詩歌屢豐



欣聽鐘鼓自宸極

兒郎偉拋樑上閭闔高開天宇曠對越宸心互感

通洋洋百福潛來貺

兒郎偉拋樑下父老爭瞻齊祝嘏翠茵丹簋饒砌生  
祥風惠雨來飄灑

伏願上樑之後地靈陰扶天休滋至香烟浮於繡拱  
陽谷之春融融淑氣傍於金莖清都之景肅肅吾

王庶無疾奉萬歲祝聖之杯盛烈何以加軼三代敬

老之典

弘文館提學李觀命謹撰



耆英館重修上樑文

九年癸亥

西樓瞻雲漢之光靈基維舊南極動木星之彩傑構  
載新籍手化工增顏壽域歷數自列朝而尚齒未聞  
設此所以待臣養老西周結稷之風未創尊年東序  
置司之制奚論洛社諸英出私財以輪奐香山勝集  
之公餽於孟盤惟聖朝曠百代以儀文故厦屋庇  
羣耆而突兀始也蒼顏白髮創業羣臣甫來宰相神  
仙昇平煙月寧考屈太陽而同萬物尤覺體尊文  
臣躋八座而享七旬方叅齒坐堯年舜壽並心法而  
相傳武烈文謨以夢齡而丕緒天蹕之降臨非偶地



分之嚴重若何近玉牒之寶藏風雲長護通紫微之  
榮照日月倍明第茲經再燹之陳軒不似集羣真之  
飛觀靈光沙劫雖資神鬼之護呵海屋星籌那免昭  
琴之成毀三百年震風凌雨理有更張八千歲秋月  
春花堂無顏色園綺暫煩其意匠般倕遂趣其工程  
月斧風斤拓華胥之舊址虹梁雲棟建箕範之福疇  
輦革改觀用換骨返顏之餘術雕鑿戒侈推增籙罰  
會之美規駐爰景於堂遙長如年歲聚德星於同府  
望若畫圖歟者不日而成有若自天而祐北極躋五  
旬之籌歟福錫民 東朝稱萬歲之觴推恩及老際



此慶而稗工告訖登茲堂而耆父頌休金骨冰肌半  
帶玉京之宿醉偉冠長袖爭携紫殿之餘者碧尾鸞  
翔承虞韶以如舞彤簷燕賀共華祝而交騰為相兒  
郎恭伸頌禱

拋標東鼻端生白曙光中靈龜照景天機熟一道穿  
窓旭日紅

拋標西化日遲遲不肯低金母蟠桃頻送喫我峨紫  
校與天齊

拋標南淡蕩風來舜曲含簾外有山長拜獻祥嵐瑞  
靄酒中涵



拋樑北璇霄萬拱歸辰極休言老眼有玄花猶辨蓬  
萊雲五色

拋樑上尾溝甘露濃如釀文王陟降恍洋洋靈馭雲  
天臣拜望

拋樑下霜眉鶴髮澄塘瀉新階產草名金光明日丹  
墀獻一把

伏願上樑之後軒楹有衛几杖增安白日華筵拱春  
臺而咏化浮雲高拱凝道氣而呈祥廣需澤於金宮  
先沾福地益乾尊於璇帖顯頤靈辰

弘文館提學吳光運謹撰



耆老所賜宴序

肅宗十七年辛未

上之十七年秋七月

教于政院若曰蓋聞先王養

國老於東序以教弟今我一二大臣宰臣皆年大耋  
疆健不衰能夙夜夾輔予一人予用尊尚之其倣古  
養老之禮錫宴于耆老所宣內外醕賜一等之樂於  
是領議政權公左議政睦公以時歛用詘不宜用豐  
大之典上章辭 上遣史官慰諭之不允尋 命從  
二品宰臣年七十以上者與烏日官奏季秋之丁巳  
吉是日有司設位于禮部於是權公睦公前吏部尚  
書李公前工部尚書吳公前判京兆金公以耆老京



飛左尹權公工部左侍郎鄭公京兆右尹金公以從  
二品各就位領議政公年八十左議政公七十五尚  
書李公七十四尚書吳公判京兆公七十六左尹公  
七十七侍郎公右尹公七十一於是中使以天厨之  
羞上尊之酒宣之已近侍以太官之膳相羹之卣侑  
之樂正以笙鏞鼓鼓鳴球琴瑟登歌羽籥之舞進百  
司之官各供其物耆老大臣以下以次拜稽首北向  
俯伏卒爵禮成中使近侍出乃改席于堂中為私會  
以永夕焉兩相公主壁尚書李公以正一品同列而  
少絕席尚書吳公以下西向坐領議政公之子若孫



若姪秩金緋者三銀緋者一左議政公之子若姪金  
緋者一銀緋而飾王者二尚書李公之子若姪金緋  
者一銀緋而飾王者一尚書吳公之子若姪銀緋而  
飾王者二皆東向侍酒闌諸家子孫有執爵而言者  
曰昔三王之養老也亦嘗有位公孤任揆弼而居三  
老五更之席者乎又有執爵而言者曰香山洛社之  
會古今稱其盛然其閑司散秩草草杯觴其亦太寂  
寥哉又有執爵而言者曰國朝近世名相而高年者  
盖無如李文忠許文正兩公負當世重望為人主之  
所尊禮者亦無如兩公而優老之典不過几杖之錫



而已則今日之事殆前牒之所未有也於是兩相公  
為之憮然者久之曰老臣無以報上恩德惟擯首  
祝聖人萬壽而已乃命璿叙其事璿起再拜欷噓  
而曰以不肖無祿吾先君獨不延數歲以及盛禮方  
且悲感泣涕不能為懷又何忍握管而張此事耶然  
璿於首揆公諸子也於左揆公若尚書李公吳公通  
家子也且既陪杖几侍尊俎而與覩其盛安可無一  
語以恒升之祝而備師工之誦哉上既以非常之  
禮禮我諸公諸公安得不以非常之報報之耶夫阿  
衡之嘉靖殷邦師尚父之薦棐周室其年不百歲當



亦九十歲也古之元老大臣固不以奔走陳力為之  
效或卧閣論道或端委廟堂而其心術之所發精神  
之所運有足措天下國家於泰山盤石之安今璿寤  
觀我諸公其顏渥丹而齒編貝五官之用不少損能  
僣僣行拜跪禮而無倦能舉十餘爵而無困動止安  
詳僅類五六十歲人異哉殆神明之所扶護而為社  
稷與何憂夫其年之不九十百歲也哉顧其為訓為  
丹書以左右王如阿衡師尚父而已耳使明王益  
傾黃髮之聽而四方益受仁壽之賜邦國之化益進  
而隆洽諸公之事業益進而鴻昌其年壽益進而期



願則主上且下禮官議行袒割饋醕之儀加隆階  
雖不文當復飾筆研以承教如今日於是兩相公莞  
爾而曰老人何敢當也若子可謂善頌者矣

藝文館提學權階謹叙

臨錄耆社賜宴便殿序

肅宗四十  
五年己亥

洪惟我聖上臨御九年癸亥勵精圖治綱舉目張

於是追加太祖大王謚號以彰春秋大義粵十二

歲甲戌聖德維新政化更始遂命復中臺位

號蓋三代後所未有之盛德也又四年戊寅復端

宗大王廟號聿修列聖所未遑之典又七年乙酉



肇祀大報壇申明尊周之義克紹 太祖 孝廟兩  
聖志事又八年癸巳功成治定邦內乂安上自大僚  
下至庶官士民咸造于庭請進 徽號曰顯義光倫  
睿聖英烈 上始撫謙屢辭不獲勉副臣民請自是  
益懋 聖德益修王政凡敬天恤民之誠不以積勞  
而少忽又四年丁酉 教于大臣曰予自數年來疾  
病沈淹眼視又昏有妨萬幾其自今用人刑人用兵  
外至如庶務諸節其令 王世子代予聽理前後訓  
戒之辭無非精一之傳而尤嚴於是非邪正之辨粵  
三年己亥即 聖上在宥四十五年也用議者言者



社諸臣合辭請上依太祖朝古事臨錄耆老所蓋  
以明年聖壽恰滿耳順之歲而遵古禮吉事有進  
無退之義也王世子邸下依議援例稟旨舉行遂  
以是年二月十二日聖上臨錄本所奉安御帖  
於別閣又以四月十八日親臨便殿錫宴耆老諸  
臣十人宴罷特賜金杯仍撤法樂使之盡歡於本所  
真千載一時之盛會也不可無記蹟之文謹按耆老  
所之設粵在我太祖大王肇位之三年甲戌蓋是  
時聖壽適六旬初設本所仍命選文宰之年滿七  
十位登正卿以上者俱許入錄於是上自題上方



以示君臣相悅之義蓋此舉古未嘗有也考諸唐宋  
僅有九老社耆英會之名而此是朝臣年老退閑者  
之事固不足比擬於本所上下同樂之盛舉也自是  
以後累朝人臣之年至位登準式繼入者前後相望  
而獨聖子神孫無有能承繼臨錄式至于今三百  
年所蓋以大德有大位兼有大壽若是乎難也今我  
聖上德為聖人功光祖宗一心臨履終始靡懈則  
宜乎受天之佑繼烈祖而膺此福慶也詩曰嘉樂  
君子顯顯令德宜民宜人受祿于天保佑命之自天  
申之夫子引此詩而贊之曰大德必得其位必得其



祿必得其名必得其壽正為我 聖朝兩世準備者  
也嗚呼我國家億萬年無疆之休其自今日始乎猗  
歟盛哉

漢城府判尹鄭濬序

耆社慶會帖序

肅宗四十六年庚子

崇禎紀元後九十二年即我 肅宗大王臨御之四  
十五年己亥也以明年 聖壽恰滿六旬式遵 太

祖大王甲戌故事以 至尊而屈入耆社實我朝三

百年再有之大慶而歷代帝王之所未行也今 上

殿下在春宮承 命寫御帖首題 太祖大王謚號



蓋以西樓舊題歲久無傳也次題 先大王尊號俱

係以入社年月承旨禮官即奉安于本所耆老諸臣亦皆陪進翌日亦皆拜箋稱賀是年四月十八日

上特設宴于慶德宮之景賢堂引耆臣十人竟日同樂酒凡五行五酌將畢 上親賜銀盃一具盃心鐫

以金字曰賜耆老所仍 命五酌用此盃甚大而諸

臣不敢辭皆爛醉宴訖諸臣趨入榻前拜稽申謝意

而 上各問飲多少諸臣以次前對仍請奉賜盃歸

飲社中則又 命撤御樂而導之於是諸臣頭戴恩

花前列伶人相與扶醉而出笙歌溢路榮動一時觀



者填咽莫不聳歎及至掌宴者供以餘饌諸耆臣子  
孫亦來與盡懽而罷遂相顧榮感曰此事不可不張  
大以垂不朽也亟謀作帖子先書 御牒跋文及五  
圖仍列署諸臣名爵而繼寫小真又以賀班宴席志  
喜諸篇載其下既而又得 御製一律於 先大王  
陟方之後即臨宴日所作也諸臣奉玩擢咽益不自  
勝敬寫一本并諸帖首屬臣墮識之嗚呼 先大王  
以大德臨大位克享大壽以增光 烈祖之盛休而  
臣等際千載一遇之會共依日月之光采切岡陵之  
祝不意 寶命方新真遊遽遠蒲柳之質苟存人世



未克攀龍而薦蟻其為哀恨固萬萬於在廷百僚而  
若臣墮尤荷曠絕之寵驟躋卿月之班叨霑需雲之  
澤雖糜粉隕結未足以酬其萬一則區區窮天之痛  
當復如何今於序帖之文義不敢以不文辭遂校血  
而書之如此嗚呼悲哉是帖始於前歲今乃得成盖  
因繪事之久未就終未及以一本仰塵於先大王  
睿覽此又諸臣之痛恨無窮者也帖凡十二具一藏  
於耆所餘則分於諸家名錄為十一人而圖像則為  
十者臣奎瑞以退處田廬不得登筵故也噫契帖之  
作世亦多有而若斯帖者固未之見也此豈但各傳



子孫以為鎮家之寶而已哉將使千百世之後亦得以仰  
寧考繩武之烈知臣等遭逢之盛云

議政府左叅贊任墮謹序

耆英閣宴會詩帖序

英宗二十一年乙丑

上之二十年甲子宗臣梅上疏陳太祖肅宗入

耆社故事而曰昔者宋臣文彥博作者英會司馬光  
年未滿而文彥博用狄兼謩舊事請入之夫以臣下  
而不拘年齒則況至尊乎肅宗已亥不過三十年  
使躬觀之舊臣更觀緝禮則實盛舉也上感其言  
問于大臣諸臣大臣諸臣僉曰可上遂許之以九



月初九日

親臨靈壽閣書

御帖尚方臣進几杖

上作三閤歌下于本司願翼日會耆老諸臣于景賢  
堂宣法醢又下御詩一句使諸臣賡進是日也日朗  
氣和 天顏甚喜 命諸耆臣各各至前賜以 玉  
音夜分始罷諸耆臣將退下銀壺一具以寵之蓋追  
已亥賜盃之例也是歲十月七日 上進酌于 東  
朝仍設宴于崇政殿諸耆臣咸在序宴將訖禮部臣  
奏以戴禮乞言之意 上命史官引諸耆臣入使之  
前對諸耆臣皆皇恐有對者有不敢對者其有對者  
上輒稱善久始命退退也又賜樂賜膳命諸耆臣率



子孫有官者飲于本司皆已亥之例也於是諸耆臣  
相與謀倣已亥舊帖寫五圖列署諸耆臣職年名氏  
繼摸小真附其下帖之首卷書 御製叙文及歌詩

歌詩下輒各載諸臣所奉和者是又已亥帖之所未  
有也噫盛哉臣等以 先朝舊物得少須臾無死乃  
與已亥名臣同其遭逢臣等之為榮為幸無有窮已若  
臣聖龍寂無肖似而荷 聖恩偏厚自靈壽之對至  
于宴筵前後諄諄之諭三及迷息臣聖龍每中夜靜  
念感淚被面是其榮幸愈何如也獨臣等之私自竊  
懼者有之我 殿下春秋雖已向暮其視耄期之齡



則遠矣國人之心方且以周文之不顯成湯之日新  
望我 殿下欣欣有太平萬世之頌而乃 殿下以  
一就耆社之故居然有倦勤之萌焉則向臣等所以  
為幸者非真幸也豈不可懼乎哉雖然我 殿下明  
聖冠千古俯念今日世道其必蚤夜以思有匪安匪  
舒之意斯臣等之所仰祝者也帖成諸耆臣屬臣識  
其事義不敢以不文辭謹書其幸與懼者以為序

知敦寧府事李聖龍謹序

耆英閣詩帖序

英宗三十  
九年癸未

洪惟我 主上殿下聖籌之誕躋七旬同于我 聖



祖寶位之光御四紀同于我 聖考鴻運靈祿并湊  
於一歲之中猗歟盛矣此豈偶然也哉前數朔廷臣  
為表章盛德請舉緡儀曠日叫閣 上謙挹竟不從乃  
許月正元日於勤政殿舊基受羣臣賀用大赦是日  
己未朝祗謁 太廟真殿歷臨 靈壽閣奉審 兩  
朝御帖杖涕摩挲即其下 親題小識寔出於揄揚  
前烈追慕微躅之孝思也于時陽和回泰壽曜呈祥  
百官侍衛之士滿城髻白之類爭瞻 天顏韶光溢  
發莫不欣欣然舞蹈呼嵩於是 上召見耆社諸臣  
書下一句御製使各賡進臣等拜手稽首而獻賀曰



我 聖祖創業垂統功烈巍煌克登大耄我 聖考

丕承丕顯天人孚格享有四十年至治傳曰大德必  
得其壽詩曰憲憲令德受祿于天蓋 祖宗朝深仁

厚德積累數百年逮于我 殿下繼述神聖大闡功

化以致皇穹眷佑 陟降陰騭既申之以自天永命

且篤之以無疆大曆 兩朝盛儀復覩於今日庸詎

非千載稀有之慶而 聖上猶冲謙不以為己有皆

歸美於 先朝大舜羹牆之慕藹然於絲綸之間此固

彌光於前烈而抑可為億萬年裕後之基豈不休哉

臣等咸圖於壽域之化幸忝耆舊之列躬叨盛會歡



忤之忱尤有別焉謹步四字韻各成一律庸寓華封  
之祝珍藏于耆社垂耀於來世云爾

行判中樞府事李鼎輔謹序

景福宮慶賀圖序

英宗三十九年癸未

唐有九老會之圖宋有耆英會之圖夫人臣謝事樂  
有高年子弟慶於家鄉人慶於野此一介之樂何足  
為世輕重哉然千載之下摸寫其事危冠皤髮至今  
照人耳目一展卷而知其為當世之嘉祥况以崇高  
之位撫頤期之壽舊闕受賀羣英濟濟會弁映而雜  
佩錡也乎此慶賀圖之所以作也我 聖上三十有



九年 寶壽登于七旬羣臣請尊號不許請進宴又不許於是三公六卿百執事以及庶民咸以為揣譙之德 上所固有獨不曰衆情之不得伸也乎乃癸未元朝 上謁 太室原廟歷耆社然後御景福宮之勤政殿舊址受羣臣慶賀夜四鼓旋蹕是日臣之歸鄉者畢集民之在遠者亦至或終日偃僂或終日植立非疆有力者未必不至於倦怠而猶曰一日之禮於心不能忘也諸府庾司為圖于屏者以十數獨天官之圖凡其城郭街巷羽葆旌幢之屬部曲行伍之列行者馳者販者負戴者無不該載而謹著之臣



試披圖而觀則金湯天府百雉八門我太祖之經  
營創業也閭井市陌五達七軌我肅考之撫綏守  
成也太祖享七旬之壽故肇基王迹若此其宏偉  
肅考履四紀之阼故賁飾太平若此其殷盛式至我  
殿下以太祖之壽承肅考之阼在周則太王王  
季之後繼之以文王也在殷則成湯太戊之後繼之  
以高宗也天之眷顧有邦必降一聖人以開治之又  
降一聖人以經理之然後復得聰明睿智之君與其  
壽與其阼以盡其會通之烈者歷攷熙代如出一轍  
嗚呼謂天不有命可乎故觀岐豐之圖周之所以為



周可知也觀毫耿之圖殷之所以為殷可知也即夫  
慶賀之圖而見其黼座顯仰左几右杖所御之殿寔  
太祖之舊殿所臨之臣又肅考之舊臣庭燎晰晰  
龍旂煌煌葱珎趨蹌者黃髮台背太半而是則知大  
之金聲玉振集大成於殿下者於是乎在矣豈可  
以龍門洛社一時勝事而班之哉是宜與版章輿圖  
偕藏太史以備後人之考論云爾

弘文館副提學徐命膺謹序

率耆臣行賓射禮序

英宗四  
十年甲申

崇禎紀元後三甲申春王正月 上望拜于 皇壇



越翌月上旬庚寅 命設忠良文武科是日 上率

耆舊諸臣行大射禮於慶熙宮建明之門張熊帷奏  
狸首之樂于時天日清和羽衛整肅 上就位上護

軍一人進弓一人奉矢乃發彼有的爰獲其兩應鼓

鏐鏐百僚聳賀於是侍射臣中者錫弓不中者罰以

角觶仍進耆社臣奉朝賀俞拓基李吉輔于前降所

御彤弓彤矢 親書四言四句 命藏于耆社臣等

拜手稽首曰於休盛矣今日之舉也今甲申即周鼎

淪泗金輪沈海之年惟我 聖上恤焉惕焉仰體我

孝廟春秋討復之義 肅廟設壇大報之意興懷風



泉迺行射禮蓋寓於鐵杖木馬之遺法也矧又同日  
命集丙子忠節臣及皇朝流亡人子孫設科賜第  
亦出於慕皇朝獎忠臣之意也噫臣等幸而生老  
於聖明之世獲觀今日之盛儀與有感焉竊伏惟  
念我聖上克享大德之壽今至耄年而神逾旺而  
氣不衰日勤庶政百度咸舉而尊周一念未嘗以歲  
月之久而或替值是年而有是舉可以有辭於千秋  
萬世而東土臣民孰不仰緬述之聖德也哉昔我  
太祖康獻大王於是歲入耆社今命此弓矢藏之  
于耆社者亦可見聖意之非偶爾臣等相與欣忭



共獻岡陵之祝永守寶箴於無窮以表君臣千一之慶會云爾

行判中樞府事李鼎輔謹序

耆英館宴耆臣序

英宗四十年乙酉

上之四十一年乙酉秋八月辛未

上率

王世孫

幸

靈壽閣

命耆社諸臣及大臣國舅儀賓同行

展拜禮仍

御于耆英館

王世孫西向侍坐耆臣

等八人各以次北向進伏

上進耆臣曰今日欲宣

醞召卿等矣使各陳其年紀又曰卿等亦各以其年

祝

世孫也諸耆臣起而拜

上命進饌

世孫請



稱觴

上許之諸臣亦隨以各獻觴時仰瞻

天顏

韶光浮溢

玉音溫諄鳩杖煖几耿光密邇蒼髮梨

顏俯仰周旋於一堂樽俎之間上下獻酬風雲藹苑

西樓故事依然復覩於今日此誠有君臣後稀有之

盛儀也

上命賤臣文以記述一入于內一入于

東宮一藏于耆司永久傳之臣等於是謹拜手稽首

而賀曰於休盛哉惟我太祖康獻大王歲甲戌始

入耆社越三百二十有六年己亥惟我肅宗大王

入耆社繼而我聖上甲子入耆社歷二十有二年

緬焉興懷率世孫來拜猗歟休哉傳曰大德必得



其壽惟我 聖上以堯舜之姿有曾閔之行德配我  
寧考壽叶我 聖祖神化普洽躋一世於仁壽之域  
臣等俱以賤品生逢 聖世得享天年獲叅千一之  
曠舉尤有榮焉矧惟我 文孫睿姿夙就令聞已著  
陪護 聖躬同臨于召耆臣錫爵之日此固非皇天  
眷佑 祖宗悅豫以引以翼降此無疆之休也臣等  
不勝慶忭之至更以箕疇五福之祝獻頌曰  
靈壽之閣寶帖攸在吾 王戾止 文孫後隨耆耄  
從衛祗敬拜止南極曜社北斗斟海樂未艾止吾  
王之德上天與配百祿萃止 聖籌靈長如陵如砥



於萬歲止 兩朝攸行克述克綯貽後世止

行判中樞府事李兼輔奉教製進

御製廣載帖跋

英宗四十五年己丑

上之四十有五年五月乙巳

上詣 靈壽閣行展

拜禮蓋以

聖祖諱辰追伸

聖慕也臣益烜臣亨

復臣泰齊臣星鎮臣始煥臣吉輔臣光溥臣之億臣

允行先詣本司祇候即許入侍恩言甚渥至下為卿

等祝年之

教又

命臣益烜進于

鑾輿前書下

御製摸揭于壁使臣等賡韻且紀其事猗歟休哉奎

藻昭回寶墨煌煌乃以臣等擬之於香山九老香山



固曠世稀事也洛社諸君子猶且慕而效之如臣等  
顧何敢彷彿古人而抑臣等竊有所自詫者香山結  
社不過詩酒自放於古之外而已若洛社之文富司  
馬諸賢固一世之宿德耆英然其屏迹明廷托情林  
園徒使後人起君子畫老之歎夫豈若臣等遭逢千  
一之盛日升月恒 寶筭無疆箕疇敷錫福流區宇  
獻嵩呼之祝詠臺萊之作泰平萬歲之樂上下得以  
同享者哉苟使香洛諸公見之亦必嘉歎歆企自以  
為不及也周之雅曰周王壽考遐不作人今臣等所  
成就何莫非我 聖上壽考作人之效而其詩又曰



倬彼雲漢為章于天矧茲十四字宸翰燦若雲章  
龍光所被宜如何報遂敢相率而歌棧櫟之章以伸  
頌抃之忱云爾

行知中樞府事南恭齊謹跋

集慶堂寶載帖跋

英宗四十  
年壬辰

歲壬辰即我聖上寶筭八旬即祚五十年之前一  
歲也秋七月九日甘露普洽蓂莢按節上始以閏  
早減膳輟樂至是並許復曷仍命耆社臣入對臣  
允行臣致明臣星鎮臣穀臣孟烜臣秦齊臣彥述趨  
詣集慶堂上親寫御製十四字以臣等七人之數



譬諸七星臣等祇受敬玩各廣韻以進仍拜稽首敷  
言曰我 殿下五紀照臨如太陽之中天臣等雖幸  
依附末光何敢擬列宿之拱極 宸章之援喻極知  
其不敢當矣然謹按保章氏志有曰老人星見主壽  
祺若宋元豐間老人星見時則有臣彥博弼光等設  
耆英會於洛陽資聖院為詩為序以頌太平鴻庥之  
化至今傳為美事而臣等幸蒙皇極數錫之化共躋  
壽域同樂一堂 宸章寶墨煨爛盈襟筐篚庾廩便  
蕃載迓視古人家園真率之會其光寵炫耀顧何如  
也臣益炏謹以臣等七人樗櫟之年合計五百三十



五者獻于宸極仰添海屋之籌仍願歲歲此堂拜  
獻北斗之觴仰祈南極之壽以答應七星之寵喻云  
爾

行判敦寧府事李益炆敬跋

耆耆同會錄跋

庖犧享一百九十之壽而其臣壽其民亦壽虞舜享  
一百一十之壽而其臣壽其民亦壽故尋圭臬之晷  
可以知日月之高察草木之榮可以驗氣序之至王  
元之曰臣民之壽係其君之政治斯言也凡人疑之  
君子以為信焉自我聖上八耆社臣民之壽者甚



多草野節屋徃徃有年踰百歲者若夫朝廷之上黃  
髮台背太半而是然其朝野之壽匪朝野之壽也我  
聖上壽之也何以知之以庖犧虞舜之事而知之也  
粵今年壬辰 聖壽將躋大耋正月吉日召耆社臣  
八人於便殿賜之坐而與之饌雪鬚緋袍交映一堂  
乃賚 雲章乃侈 寶墨乃命耆臣相屬和之以及  
內局近密之臣亦得與焉雖鍾鼓不陳舞蹈不設而  
無聲之樂自行于湛露之席然 聖心過謙猶曰太  
康乎俾不得刊布夫扶徠之歌不登於策則何以考  
庖犧壽臣民之化也喜起之詩不載於書則何以徵



虞舜壽臣民之治也二君所不禁於其臣者我聖  
上必不能禁之故太史臣命膺敢因相臣力請鋟梓  
道其所以然記之下方如此昔唐之九老會白居易  
集諸老年齒而摠挈之以為歌詩遂成耆英之故事  
臣於是敢集耆者臣八人之年齒共六百有六歲以  
為籌於聖壽而竊附詩人祝萬年之義且以一本  
拜獻宸陛留作海屋之貯云爾

二

大提學徐命膺謹跋

耆科賡載錄跋

古之聖人一事常兼數義非若後人事此一事但止



一事而已故靈臺本為遊觀也而可以節勞佚可以  
察雲物巡狩本為省方也而可以陳民風可以輯五  
瑞與夫樂之可以養可以和可以薦射之可以德可  
以蒐可以武皆聖人立事不滯一隅非夫凡人智慮  
之所能及今於耆老之科而知前聖後聖其為道一  
也我 聖上四十有八年壬辰二月十二日即就邸  
之周甲也在廷羣工咸曰國無補慶之禮則已不然  
豈可使是日不稱慶乎屢請陳賀 上不許廼臨舊  
闕之勤政殿集耆老士年六十以上文凡六百人武  
凡數千人設科于庭而考官又皆以年六十以上者



充之於是蒼髮鮐背挾卷橫矢偃僂蹢踉雜還盈門  
比及試取駕還舊邸唱名賜第 王世孫率百僚呼

嵩 上親製七言詩二句命 王世孫暨班序諸臣

和之遂使舊邸為壽域為春臺為華胥之國嗚呼盛

哉當 聖上之以賀為科群情莫不鬱悒及夫禮成

之後始知一舉而衆善具焉科名耆老可以見壽考

之作人是其仁也題用抑戒可以追養老之乞言是

其禮也士庶不與於宴賀而因科試與民同樂是其

義也以至御舊殿而寓羹牆之慕抑撝謙而循 儲

貳之請上以伸 聖孝下以伸 睿孝皆非凡人智



慮之所能及向所謂一事常兼數義者不其信歟既  
數日相臣請以賡載諸篇付之剞劂上可之又命  
臣命膺跋其尾夫卿雲之歌不傳於世則無以知虞  
朝君臣之相和徵角之招不著於篇則無以驗齊國  
君臣之相悅不有是書之刊行何以知我聖上此  
舉高出百王也哉此相臣之所以請也此臣之所以  
不辭而為之文也

大提學徐命膺謹跋

耆耆宴會錄跋

夫言有至近而可以徵諸久遠漢高豐沛之歌是特



緣境起興耳顧何與於祈天永命而說者以為開漢  
家屢百年之基業為其守四方一語當肇造之時已  
戒苞桑臨歡樂之場却顧疆域其思遠其憂深非夫  
凡主苟安一時之優逸而已也今以耆耆宴雲章  
而推之知是說之有以哉粵今年癸巳聖壽躋于  
八旬寶曆紀于五十歷考前乘未有若斯之盛者群  
臣屢請歸慶未蒙允可王世孫慨然陳章請先行  
進宴以答羣情之願望次行養老宴以建國初之故  
事藹然其孝篤乎其誠是曰謙德勉而可之遂於閏  
三月初吉宴羣臣于崇政殿越二日壬戌又宴耆耆



于金商門是日也既雨而霽淑氣潛煽仰瞻法座則  
左几右杖高拱于彩仗之下俯相賓筵則黃髮鯢齒  
交映于罇俎之傍鐘鼓將奏掌盞未舉庶民耆耆胥  
欣嘉會放杖起舞偃倮蹌踉呼千歲而前於是天  
笑為新親賦樂歌一章擬漢高豐沛之歌而乃以主  
鬯之得人為喜命王世孫及在筵諸臣相屬和之  
付剗剗以壽其傳夫漢高當春秋盛壯之時樂與鄉  
里父老同歡是固常事耳而況不知四方之守禮樂  
為先徒規規於得猛士則漢之所以為漢從可知已  
然善觀者猶且因其歌而驗其象占天祿之弘遠今



我聖上履克舜之卽齡行虞夏之盛禮既以聖  
主而敬國人之年又以國人而尊聖主之年此實  
漢唐諸君所未聞者且其為歌也樂得明睿溫文  
之資托以儲貳付畀之重可使禮樂一世可使風  
化八域則吾東方億萬年無疆之運將於此基之蓋  
不待智者而知也然聖心冲挹引豐沛之歌以為  
此是乃孔子竊比老彭之意臣恐覽者或未及察識  
故敢述其所以然如此云

大提學徐命膺謹跋

耆社帖跋



歲癸巳我 聖上壽躋八旬治成五紀閏三月初吉  
王世孫卽下率羣臣稱觴上壽越二日 上行養老  
宴寔導 國朝故事也又 特遣承旨宣醕賜樂于

耆社使之同歡翌日諸耆臣奉箋謝 上召見便殿  
接以家人禮 命諸耆臣各述其年齒踐歷如古人

自叙之例

親製序文

命臣益烜跋于卷尾以為

垂示永久之圖甚盛舉也臣竊伏念唐之履道播諸  
歌詩宋之洛社傳于繪畫至今照映耳目稱為義事  
然此不過暮境自娛之辭君子盡老之感而已豈若  
臣等躬際 聖明生老太平或詩或文自詫遭逢以



寓天保日月之頌者哉况臣等二十人之數比履道  
洛社亦倍之何其盛歟書稱歛福錫民詩詠壽考作  
人凡今在同社之列者孰不蹈舞攢祝於天地悠久  
之德雨露涵濡之化哉未知香山修楔之筵樂園真  
率之會亦有此五十年康衢之樂否也臣謹識如右  
以頌曠古之盛庸備耀後之資云爾

耆社慶會帖序

正  
宗  
五  
年  
辛  
丑

耆老臣圖像蓋建洛社盛事而非上命則不敢也  
臣之陋劣辱沐仁壽之化犬馬之齒居然七旬乃以



今年月正猥忝社末入侍前席 教若曰卿等其圖  
像續 先朝舊事臣承 命隕越退而告同社諸臣  
社凡十二人或已畫或在遠新入誦為八負臣等於  
此實有所激感攢祝者昔我 太祖大王始入耆社  
越我 肅宗大王述 太祖故事亦越我 英宗大  
王繼 肅宗故事皆 命耆臣圖像今我 聖上之  
有是 命所以繼 英考故事詩云三后在天王配  
于原其斯之謂歟仍伏念臣等生老太平襄姿朽質  
得與於畫圖冠珮之列龍光所被將如何報尚記歲  
乙酉我 聖上在 春宮陪 寧考侍讌于耆英堂



于時我 寧考八耄杖几韶顏帶喜令諸耆臣各陳  
其年紀祝 王世孫壽萬然止慈之德卽周文錫齡  
之至意猗歟休哉今臣等愛日之忱惟願以社中諸  
耆臣千歲之年拜獻丹墀繼當日西樓之盛饌仰副  
我 寧考為 聖上於萬之祝為 宗社無疆之休  
焉辛丑仲夏上澣領中樞府事臣金尚喆不勝頌禱  
謹為之序

耆社慶會帖序

年正宗八  
甲辰

嗚呼朝置耆社於古未聞獨我邦有之國初公卿年  
七十者許令入社雖有年位苟非以文進身者不得



與焉是故人皆欽艷望若神仙中人惟我太祖大  
王以千乘之尊親錄御帖與耆耆之臣同社以娛特  
示君臣相悅之意西樓侍宴傳為百世之盛事耆社  
之稱以是尤尊且貴矣逮我肅宗大王英宗大  
王大德同符於聖祖天以遐壽報之式遵故例臨  
錄耆社三聖寶帖並為奉安於靈壽閣如日月  
照臨祥光恒饒猗歟盛矣伊時耆臣之同叅者命  
圖像俾藏耆英館自後耆臣之入社者有上命則  
皆得有像蓋優老之盛恩也臣等犬馬之賤生值  
聖代幸得年位是歲春冒忝耆社之末我聖上特



追故事 命以臣等衰朽之容得與於丹青簪纓之列榮極感深將何為心伏念臣等俱沐 兩朝之洪渥而病且老矣無望筋力奔走以効絲毫之報祇瞻雲天恒祝岡陵而已嗚呼惟我 三聖既有大德克享壽考今我 聖上深仁厚澤已遍於八域上天降監必也福祿隨至詩云愷悌君子俾爾彌性純嘏爾常矣又曰君子萬年福祿宜之臣敢以是獻頌于我王云爾

行判中樞府事臣李徽之謹序

耆社慶會帖序

當字十  
年乙巳



人臣之貌入丹青肇自漢世之麟閣雲臺唐之凌烟閣而香山洛社之耆英繪像繼而傳于世自其後更未之或聞至我朝而乃有耆社臣圖像蓋追洛社之故事而亦是 聖朝優老之恩也夫耆社之設在

太祖初年而圖像之典始於 肅宗己亥 上式遵

聖祖故事繼入耆社命耆臣之同入於社者并繪其像俾藏于耆英館此是設社後始有之事也逮夫

英宗甲子又入社 教曰唐詩云少年天子愛邊功身到凌烟西閣中詔覓耆臣寫真像長生殿裏作屏風漢明於耆臣詔覓真像况同入耆社者乎依己亥



故事繪像以續義又命度支助之自是耆臣之入社者有上命則皆得有像而未承命則不敢也故已亥後於今一百二十七年入於圖像者只是百有餘人純宗甲戌領中樞府事李公時秀入社及登筵言耆臣圖像每因經稟或為或不為自今每歲准入者使之依例繪事上可之是後入社者不待稟旨而行當乎乙巳國舅豐恩趙公萬永入社倡曰耆社圖像近久未諧願與繪者聽諸公皆應於是使西工李漢詰各摸諸公真入綃而成帖入于帖者輔國判樞原任吏曹判書李公義甲年八十二輔國知



樞原任吏曹判書奉朝賀徐公有渠年八十二原任  
議政府左叅贊金公熙華年八十一原任議政府右  
叅贊李公志淵年八十輔國知樞原任吏曹判書金  
公履載年七十九原任刑曹判書尹公尚圭年七十  
八輔國知樞原任吏曹判書徐公俊輔年七十六輔  
國判樞原任吏曹判書金公在昌年七十六議政府  
右叅贊安公光直年七十一領敦寧豐恩府院君趙  
公萬永年七十不佞以南漢守禦使冒叅而亦輔國  
知樞原任吏曹判書年七十二也凡十有一人工告  
訖又藏于耆英館噫麟閣凌烟之詔覓其像斯乃紀



功之盛典而香山洛社之傳像雖是昭代之義事然  
此不過年老退休者私自宴會之圖而已曷可比擬  
於我朝耆臣之上下慶會皆得以有像者哉我朝耆  
老之會始於國初俎豆管絃賁飾升平至有生綃廣  
軸之官銜而署名者若其摸七分之真則未焉至我  
肅廟入社後始命之仍而為例斯是罕有之寵典  
而其為耆臣之榮遇豈但為一時觀美而止哉嗚呼  
惟我諸耆生老太平幸得年位冒叅社貞臣非聖  
朝仁壽之化而况又衰姿朽質得與於丹青之中長  
侍靈閣殆如一堂之慶會遭遇之盛榮耀之觀縱



不及乎麟閣凌烟而豈可使香山洛社專美於古哉  
吾儕俱已老且病矣無望筋力奔走以效涓埃之報  
而在昔唐虞三代之民俱在仁天化日之中人莫不  
享有遐齡其事載於詩書而其時臣子大率以是歸  
之在上之聖人故其詩曰黃耇台背以引以翼壽考  
維祺以介景福蓋推本之論也由今觀之凡我諸耆  
幸際唐虞三代之盛際俱得稀年蒙此優老之殊典  
苟究其所以然則亦當歸之於在上之聖人以是  
告同社諸耆老繼之以岡陵之祝

廣州府留守南漢守禦使洪敬謨謹序



耆老所題名記序

猗歟盛哉我太祖大王之尊高年也歛時五福人主之事而五福之中壽居其先補以達尊天下之所共尊也壽而尊之長其長之義也三代聖王莫不以養老為重人主而且尊之則其下孰敢有不尊者乎天下之人皆知其長其長而教莫大於此也太祖應天順人居九五之位創業垂統而猶且尚齒敬老書御諱於其中所以重其事而示之於萬世子孫也以堯之聖髦期而倦于勤人君七十之壽後世所罕若待七十則人主之入於耆老所未易期也故



太祖耳順而入於所所以別君臣之分而亦所以重  
耆老也况昇遐之歲春秋七十有四則天之眷佑  
於太祖使聖人必得其壽以享其報豈不彰明較  
著哉耆老之會自唐宋有之我國則始於高麗中葉  
而皆私自為會孰有人主命之而親入於其中如我  
太祖之殊恩乎錫與田土臧獲使優其宴需非文官  
正二品實職則年雖七十不敢入也設宴之時必賜  
一等之樂世宗成宗之朝一依祖訓申隆寵  
典內醞珍羞絲絡而送至于光海之時百事無章怠  
棄訓典蔭官亦有濫入而無一人正之列聖優老



立法之意自此而始紊矣今上初清陰相公乃明  
舊法嚴辭申飭一洗向來苟且之習仁人之言正而  
難犯如此我會中舊有先生案因亂散失延陵府院  
君李公收拾聞見錄成一帙延川君景嚴受而藏之  
於家其中或不無遺失而無可考據姑就其本書以  
粧續後來諸君子其亦詳記而敬守其法無替我  
太祖大王之盛意也哉

左議政金瑄記

題名記後識

按陽村序文即永樂二年我太宗三年甲申年事



開國後不過十三年而只言慕麗制勲德重望者十  
人約會自今七十以上方許入會而已甲戌年事無  
一語及光海庚戌月汀亦無所收入而至辛酉一松  
序文中西樓 御諱有若親覲者甲申潛谷序文所  
記又加詳焉而其間乙亥清陰序文但云我朝自國  
初設耆老會以寵公卿之希壽云故事有難以取信  
者矣今從舊案修錄如右

連城徐文重謹識

刪補耆老所題名錄序

耆老所事蹟月汀諸公之記盡之矣其建置日月今



不可詳而蓋國初年老宰樞倣洛社故事相與會集  
公廨以宣暢歌詠之樂而已其仕之為文為蔭爵齒  
之得臻其極與否初不甚切切較量也及至洪武甲  
戌我太祖康獻大王聖壽躋六十乃屈于帝之尊  
入是社是後又命朝臣之以文科進年七十官正  
二品以上者許入而未經當品實職與古在罪籍者  
資雖準不得與其選始艱而其得與者人皆艷稱之  
以為希覲事焉自古有官司必有題名錄固史之遺  
也者司又聖祖親入之地尤不可闕入社諸臣其  
必有記載明矣壬辰倭難之後官私掌故一皆蕩然



無存五峯李公既入社追記前人名字以藏於本所  
然此非必遍考文籍只以耳目所及隨記書錄故漏  
佚甚多又 祖宗朝卿宰間或未及七十而叅宴叅  
宴與入社有間而不復區別一併入載人多病之故  
相國徐恭肅公最號諳練故實取其中可刪者刪之  
可補者補之作為附錄以綴卷下則亦可謂周備耳  
矣今年不佞以犬馬齒至猥廁社末見是錄猶似有  
未及盡正者遂以曾所聞見者略加考證別為一冊  
其正訛添漏之端委既條列於凡例覽者尚有以商  
之也仍伏惟念我 肅宗大王撫運例治久道化成



厥享國四十有六年 寶箴之永適延 聖祖爰據  
故典臨錄本所奉安 御帖於靈壽之閣至今丙辰  
我 聖上親御本所瞻拜閣下於是乎本所事體之  
重又非前日之比矣竊意天道循環必有兆朕之示  
於先者我 聖祖入耆所數三百年而 聖考再入  
是則壽域之重開自 聖考而先之矣此後南極星  
光擁佑 宸扆將見三入四入而不已焉則在忝社  
諸臣涵仁壽之澤保耄艾之年者其為榮遇何如也  
是烏可不修飾是錄以為他日之輿衛也哉顧不佞  
昧陋寡識重以老昏不及前輩萬一其所是正難保



其無非糾釐改就完深有望於後來之君子云爾

龍仁李宜顯謹識

耆所錄序

耆英之有會古也昉于唐白氏而宋之文潞公亦行之世以為盛事高麗崔譔大師始為之於東方而當我朝初領司平府事西原李居易樂天又會十老為分旬之遊世傳我康獻大王聖壽六十親屈千乘之尊而臨辱諸耆之社遂命文臣二品躋七旬耆皆得入自是耆社不私而公儼成一官司矣夫尊高年先王之盛節也進國老於西序親割牲而養之其事



載在禮典然未聞當時之君亦以已之高年而同與其樂蓋有之而未嘗傳矣當唐虞三代之際君之壽非百歲則八九十皐陶稷契夔益之倫事堯以至於舜事舜以至於禹益又事禹以至於啓之世由是推之自四岳九官十二牧以至於八元八凱之流蓋亦君臣同躋於高壽者多矣自其臣而又推之於其百姓黎民則其壽又可知矣當是時也天下亦一耆所也含哺鼓腹擊壤而歌與夫為此春酒以介眉壽何莫非耆社之娛也蓋太祖之俯就於臣隣其意非特為六七老地也將欲推其壽於八域之內而同享



其樂如唐虞三代之盛也由此而歷世相傳者所之  
錄至今上四十七年而為三百八十六人之多  
聖考今上又繼康獻大王而躋靈壽紗籠煌煌百  
世相輝而民之享百歲者今歲圻甸之報為十餘人  
諸道又可知矣東方之為壽域益有驗焉我太祖  
臨錄之盛意其母亦有待於今歟猗歟盛矣

完山李種徽謹序

重訂耆社題名記序

有官司必有題名將以徵文獻而垂來許也官司題  
名初自中唐以歷官人名氏鏤諸版揭于壁使當世



操觚者為文道其事如韓文公之藍田丞廳壁記是也宋以後謂其版久而易泐易之以石自司馬溫公始之也至我東亦循唐制及後以版與石俱非傳久之道代之以策今內外官司莫不有題名記凡屢百年歷官人名氏一開卷可按況耆社乎夫耆社耆老相會之所自夫太祖大王臨社留諱不私而公儼成一官司而耆老公卿之叅于社者亦書其名於案是謂題名記也蓋社之題名始於聖祖甲戌至當守己酉凡為五百四十八員斯皆一代之耆耇而大官崇秩也亞卿而下毋得預焉其視內外官司之



題名不可比而同也且况 聖祖御諱之親題西樓  
古之廳壁之題也 兩朝徽號之列書一帖今之書  
諸策也耆臣之題名於下尊卑等威之分也 君臣  
同社上下共題此誠千古盛節則不惟內外官司之  
所無者中國亦有之乎我於是乎耆社事體尤為尊  
重於他司題名之記尤不可闕而於內外官司未有  
若耆社之題名也敬謨年至位準遵國典入社社之  
文獻無所考徵遂編成社志仍又詳閱題名記為編  
者三而皆壬辰後改錄也不擬重訂而未及改圖三  
州李公光正繼我而入亦有意於斯耆萃諸編彙為



一本釐舊而補錄存疑而懸注率皆旁引曲證縷分  
絲絡如合璋而知珪連袂而成衣使後之觀者粲然  
羅列於目中何其用功之專且博也噫唐宋院館題  
名記今雖不可得見賴以韓文公司馬溫公遺集知  
其歷官之一二者此所以古今官司之不能無題名  
記而亦為文獻之足徵況耆社乎今因此本俾得以  
存社例而傳諸後則是又敬謨未遑之志也尤豈不  
與有幸焉歟是為序

耆英故事序

社末洪敬謨謹序



養老敬長之禮尚矣自虞夏商周以來莫不以是為  
重其見於王制禮經猶可考信降及後代漢明之敬  
老尊師魏孝文之尊禮耆德雖不如上古之隆其遺  
風餘韻猶有足徵者唐宋以來此道漸替香山洛社  
之會非不盛美宣著矣然臣下私自燕喜故或會于  
鄉居或會于禪房飲酒賦詩以為樂未聞朝廷宗賢  
尚齒姑古昔盛時也茲惟我太祖受命開國值春  
秋六十遂入耆社賜宴卿宰大臣年七十以上者十  
人錫賚之豐眷遇之渥非復勝國以前規摹後繼之  
人為題名錄及式例行之今三百二十餘載錫鼎以



曾經議政年滿七十忝入焉遂裒集前修所錄首揭  
耆老所次列耆英會賜几杖致仕優老古今壽耆又  
以回婚回榜等事附記名曰耆英故事以備太史掌  
故之採

完山崔錫鼎序

耆社慶會曆序

耆社慶會曆因耆社題名記而一參差之例統有所  
重也今上九年乙巳命膺犬馬之齒恰滿七旬以  
月正元日與同庚金公致仁趙公暉嚴公璫遵國典  
祇拜靈壽閣退至耆英館各題名於題名記而還後



旬日館吏抱題名記一櫃而來曰尚有未題名處願  
盡題名也命膺疑而閱之則題名記凡三編其一潛  
谷金公墳所始編也其一夢漁徐公文重所校編也  
其一陶谷李公冝顯所改編也三編義例皆各不同  
金公以藝祖徽號祇載卷首李公謂以不敢而不  
載三聖徽號以金公為正則諸臣題名記混舉  
至尊之徽號誠如李公言以李公為正則君臣同  
社千古帝王之盛節而為耆臣者無所表揚亦豈敢  
乎雖然前輩已成之書非後生所可通變乃就議同  
社諸公別為社志一其義例以歸重於三聖入社



而使諸臣題名為 三聖入社之所統如史記之首  
本紀次列傳則天地交泰之仁尊卑等威之分始并  
行而不相悖於是名曰耆社慶會曆昔唐堯之時越  
裳國獻千歲龜龜背有科斗書記開闢以來事遂錄  
之以為曆此書即我東中古諸耆老記開國後 君  
臣入社事以徵來後其謂之曆不亦宜乎是為序

致仕奉 朝賀徐命膺謹序

### 靈壽閣記

閣以靈壽名祝 聖壽也閣之名兆於 太祖甲戌  
閣之成在於 肅宗己亥事之有待乎後不其信矣



乎哉東方耆老之會始於麗之中葉而至我國初年  
老宰樞又踵而行之時 太祖康獻王寶齡躋六旬  
俯就羣老之會親題 御詩於社之西樓與之同社  
卽開國之越三年甲戌十月也因其社為耆老所  
命朝臣之以文而進位登八座年滿七十者許入於  
社此千古帝王之所未行者也耆老之所居在漢城中  
部之澄清坊而時未有閣龕于壁以護 御墨逮于  
肅宗元孝王大德同符 聖祖天以遐壽報之即陳  
之四十五年己亥 寶齡為五十有九廼於二月遵  
甲戌故事入耆社禮官進帖子 命世子先恭題



康獻王徽號于第一牒次題 當子徽號于第二牒  
俱係以入社年月 命承旨禮官具儀仗鼓吹奉安  
于本所而西樓經亂已毀龕亦隨而逸乃 命別建  
小閣于耆英館之西以是年三月二十五日上樑工  
告訖弘文館議定閣號以靈壽萬年承休備望而進  
上點下於靈壽耆臣右叅贊申鉉書扁以揭六月二  
十四日移奉 御牒于閣後二十六年甲子為 英  
宗顯孝王寶齡五十有一九月九日繼 元孝王入  
社拜靈壽閣 親題徽號于帖之第三牒亦係年月  
而遷奉于閣自 聖祖入社後三百五十年餘 列



聖之臨社題牒凡三朝而耆臣之新入者祇肅于  
閣下退而題名于社案例也夫是閣也三朝御牒  
奉安之所也甲戌之龕護御墨已為閣之緣起而  
至己亥始乃建閣而寶箴者事勢之卽然則閣之名  
雖自己亥補之實始於甲戌入社之日庸詎非事  
之有待乎後者乎噫我聖祖荆紫垂統躋一世於  
仁壽之域屈威叅社與耆老同樂以寓三代尊王  
敬老之義且深仁厚德積累數百年傳次于肅  
英兩朝重開壽域三題寶牒此千古帝王之所未有  
者也從茲以往地靈陰扶神鬼呵護將見南極祥光



擁佑宸扆聖聖相繼而題牒萬億年不已也臣  
聞楚之南有冥靈者以八千歲為春八千歲為秋靈  
壽之義毋或取喻於此而祝聖人之壽亦無踰於此  
臣於是以為為壽於聖壽當附詩人祝萬年之義  
拜獻于丹墀嗚呼臣今老矣無以待諸後遂道其有  
待者謹為之記

上護軍洪敬謨謹記











